


經部



其尸養物之功也畜而可養不畜烏能養哉然而大 錐能畜之而未有以養之也變而為頤則一陽之震 六五六四畜之主也陽為富貴陰為貧贱六四六五 四陽是以謂之畜二陽而養四除是以謂之頤也 乾變為震下動也上止而下動外實而中虛頤 上下二陽中含四陰合而成頤也良體不易上止也 頤之成卦大畜之變也自畜之頤艮體不易乾變為 象也說文曰頤頰也鄭氏曰口輔之名也二陰而言

久里马声上四 養賢以及萬民頤之時大矣哉 觀其所養也自求口質觀其自養也天地養萬物聖人 頤貞古觀颐白求口實象曰頤貞吉養正則古也觀 動也艮止也夫下動而上止謂之頤可乎曰是故虚 下震上民成卦曰頤者初為震二三為坤四為艮震 其亦先事而後禄之義乎此願之所以次畜也 畜已有養賢之象何也上九之功也上九在畜為畜 之終在頤為頤之主故畜之上九不言養而言事者 願

周易輕傳集解

金にとれる 者萬物之所致養也而在於下動上止之問斯以 震為元民為貞養之得其正斯為吉矣親頤白求 頤而已矣頤貞吉何謂也子曰頤貞吉養正則吉 頤也其所以為養者未可知也為其有坤象馬坤 體辨其義焉有以養人為正者有以自養為正者 實何謂也曰離為目者外實而中虚也頤之成卦 口實觀其自養也頤之四象正反如一故以上下 實中虚故又有觀之象子曰觀頤觀其所養也自 17 19 为 丰 رك 也 U

ハー・リーシー ノ・トラ 電 六二以自養之才而在養人之地是以有征凶貞 初九以陽而自養上之所以吉而初之所以凶也 夫陽者足以養人者也然而自養則失人矣陰者足 四以陰而自養六三以陰而養人三之所以凶而 以自養者也然而養人則不足矣上九以陽而養 之義也故曰天地養萬物聖人養賢以及萬民天地 之所以吉也若夫六五居養人之位而乏養人之 才 人之所養與吾之所以自養者君子之去就可知矣 周易经傳集解 四 凶

象曰山下有雷颐君子以慎言語節飲食 動子頤中也雷不過山則蠢動勾前無白而奮震而 山者民也雷者震也雷之震乎山下猶飲食言語之 故 養為忧者哉若強其所之而曰我能養人其道惇矣 以萬物為養者也聖人以萬民為養者也而豈以 無節則昆蟲草木横被其災亦猶言語之於人也謹 與其所以自養者觀乎震艮而得之矣豈不大哉 日頤之時大矣哉天地萬物聖賢萬民其所以養 7 白

銀匠四届全重

雜卦曰頤養正也 · ] ] JE. 養之得其正則吉失其正則凶是故諸之皆以 顾之成卦以震艮相合而成其在六爻以白養養人 體皆願之義也 為義震動也所以養人者也艮止也所以自養者 不節則生疾也程氏曰謹言語以養德節飲食以養 辨其義焉易家以陰居柔陽后剛謂之正陰陽 則出好不謹則興我飲食之於人也節之則康強 · . . . 周易經傳集解 JE. 也 雅 不

|舒定四年全書 揂 酌 毗 居謂之不正以患考之益不其然陰居柔陽居剛 今言易之家便以當位為正失之矣願之象曰願 在 平 子謂之當位而不專謂之正也正者正也置器於 為正也哉其在乾之九二子曰能德而正中也 水而注之虚則於滿 不以一定為文需之上六日雖不當位未大失也 上九子曰 則正矣立表於 知進退存亡而不失其正也至於當位 百中 龙干 则 則覆中則正而豈以陰陽偏 正矣是以聖人為之敬 影 夫 贞 其 地

た己の事と書 陰居柔陽居剛者自養而已不以及人也初九上 九 艮也以自養為正者也六四志在於自養故吉六 三 故吉初九志在於自養故凶也六三六四陰也其 陽也其體震也以養人為正者也上九志在於養 與偏則為 者 吉子曰養正則吉矣至雜卦又曰頤養正也及考之 可以求其指歸矣或問其指曰陰陽剛柔兼則為 **爻初九六二當位而凶六五上九不當位而吉學** 獨陰居剛陽居柔者以其所養養人者 體 也

周易經傳集解

金以口及之 初 失類而. 志在於養人故凶也若夫六五居震艮之間在養 才懷自養之志而在養人之地以其下乘初九無 與之意初惟自養不足與有為是能有其正矣然而 *9)*; 爻有相與之意賴上之養以及乎人是亦得其正 之位有養人之志而無養人之才以其承於上九 九舍爾靈龜觀我孫願凶象曰觀我孫頤亦不足貴 而不可以涉大川也六二居震艮之間以自養 征則凶也養正之義不亦然少 相

たこりまとき 也 皆生於坤而成於艮是故六四有龜之象焉自坤 聖龜之象龜陰物也謂六四也離為龜亦為其內柔 神 而 艮也故曰含爾靈龜觀我孫願願中有口車之象有 艮閉墊之時也龜之墊也閉息不動無求於物故 初九震也以陽居剛而在下卦之下應乎六四四坤 外剛故也北方七宿曰龜曰此水土之物也水土 明而壽是以謂之靈龜也柔動也我自謂也動 周易經傳集解 能

金少 謂 能推其施以及人顧乃動具口車以自豢養為事而 口車飲食之謂也初九以陽剛之富當震動之時 者乞其餘不足又顧而之他 龜而觀汝之孫頤哉孟子所謂卒之東郭播問之 無求而初九之震乃自饕於口腹含爾靈龜而 人矣彼皆貧餓無以自養而堪問之祭者 区泛 則 四曰含爾靈龜觀我杀顾為六四者孰肯含其靈 其即 人にする 而觀之無足怪者今六四之民方自樂 然則觀我孫頤固有其 揂 有 觀 ルス 祭 分

たこりをとから 六二颠顾拂經于丘颐征凶象曰六二征凶行失類 富者為其有有以分人也已有深願而使人觀之亦 六二坤也以陰居柔而在下卦之中上无其應而乘 不肖之相去其問不能以寸此之謂也 奚足贵哉孟子曰如中也棄不中才也棄不才則 賢 頤亦不足貴也所貴乎陽者為其有君德也所貴乎 錐有栗不得而食之矣欲无凶得乎故子曰觀我朶 **尕顾必無之事也故曰凶養口體而失大人皆去之** 周易經停集解 也

為根今六二以陰居柔而體乎坤得其所以自養者 初九之震故曰顛頤頂也人之四肢百體莫不資於 是以謂之顛頤也為其來初九之富故曰拂經于丘 鍾其有以自養而無待於物矣故導引養生者以 頤蘇氏口丘空也謂 名無養之實是以謂之空頤也故曰征凶征者貞之 腹故稻梁窩豢所以為養也惟首頂之上腦之 逆而過之也初以其富自足而各於與人有養之 初九也拂送也經過也二之於 129 竏 腦

金与口及

白重

たこりら 與三陰類也下而求初則失其類矣其在坤曰西南 矣此其所為凶也子曰六二征凶行失類也六二之 也今初九六二季上而剛下是陽无施而陰弗承 自上而下施者也養於人者人之下也自下而承 遽凶乎曰為其勢逆而情乖也夫養人者人之上也 道也或口六二拂經于丘頤求而不得者有之矣何 人不我施而我乘陵之被不吾與將終其臂而奪 及也二之自養得其貞矣見初之常往而求之凶之 4.45 周易經俸集解 Z 也

金月四周百重 悖 六三 而不已其凶宜哉 徒喪其朋而已矣不信於友不獲於上勢选情乖征 應子上九之震故曰拂頭拂逆也以六居三在下 惡於失類也哉為其以上求下而初九無相與之義 得朋乃與類行東北喪朋乃終有慶今以坤從震何 六三上體為坤下體為良以陰居剛而在下卦之 一拂頤貞凶十年勿用无攸利象曰十年勿用道

人已日奉 上去 其位應在上九而欲私其施介於二四上下其之與 當静止之時僅可以自養而已然三以陰居剛不當 於人賤而學貴質而學當以此為正凶之道也至於 費下為賤富者養人貧者養於人贵者養人賤者養 臣也三以養人自任而有无君之心是以謂之拂願 敵而自謂我能養人曾不知六五之在上五君也 也故曰貞凶十年勿用无攸利陽為富陰為貧上為 之上志在於養人者也坤為虚艮為止以陰虚之質 **周易經傳集解** 

動员口屋石書 矣否則汝之受罪不久矣是故君者養人者也臣民 不請於君發倉庫以食之而行汝之私義速已則已 節食一壺漿孔子使子貢止之子路不悅曰夫子以 勿用道大悖也子路為蒲令使民修溝瀆而子之 之民以行己之惠者刑戮隨之此徐偃王之所以敗 十年勿用則不復可用矣為人臣而逆君之命竊 而共叔段之所以奔也夫何利之有馬故子曰十年 仁教而禁其行也由也不受子曰汝以民為飢餓 卷十四 何

六 ランスコラ ハナラ 上施光也 六四上體為艮下體為坤以陰居柔而在上卦之下 曰吉子曰飯疏食飲水曲脏而枕之樂亦在其中 而 應少初九之震故曰顛頤顛颐自養也四以陰居 四顛頤吉虎視眈眈其欲逐逐无咎象曰顛頤之吉 則十年无攸利聖人之戒深切著明矣 者養於人者也君而迷復則十年不克征臣而 體子坤艮得其所止自養者是以 周易輕伸集解 謂 之颠 頤 拂 b 柔 頤 故

也 待時而動也故曰虎 其所 地 從 其樂揚雄曰簞食掉如亦山雌也皆顛頤靈範之義 顏子居陋卷一簞食一瓢飲人不堪其憂回也不改 也雖然君子之自養者豈无意於天下哉藏器於 艮居寅位而在頤之中文故有虎視之象焉耽字 不 目 動 朓 欲逐者起而逐之无不發也此所謂自求口食 耽敝 眈 既然熟視之度其不可取則多尾而去 師之貌或作耳旁者非虎之欲搏也 视 肥 **耽其欲逐逐无咎虎陰** 身 物 耳 踞

都员四月全書

以然者四遠於初承於五而近於上也故子曰顛頤 養人之德然後起而從之則其所欲逐而逐之也 静之宜六四之視初九所謂觀我來颐者也知其不 生者也君子之動惡乎動而不知止又惡乎止而不 者也或曰六四既有颠頤靈龜之象而又自求口食 足與有為其去之速矣及其終也觀乎六五上九 知動也豫之六二曰介于石不終日貞吉者得半動 何哉曰呼吸吐納者可以緩飢未有不需飲食而能 有

といりある はかい 一

周易經傳集解

上也 金灰巴人 六五拂經居貞吉不可涉大川象曰居貞之吉順以從 六五坤也以陰居剛而在上卦之中下无其應而承 正矣吉且无咎宜哉 五上九則所養者正矣以四之自求口實則所養者 不言吉者近於初而遠於上也是故以四之觀乎 上而上施之則上九之施可謂光矣六二亦顛頤 之吉上施光也賢人君子修於自而行於家不求於 而

とこりられるチラ 静之士犯顏忤古者中智以下所不能堪也故曰居 尚也逆而過之將以養成六五之德也輔拂之臣諫 也其乘之者斯謂之逆矣然而上九之賢六五之 之常也而謂之逆何哉曰五者天之位也人君之象 震順乎上九資之以為養是以係之拂經也拂逆也 經過也上之於五逆而過之也夫陽等而除甲天地 之陰虚自養且不足况可以及人乎以其體坤而承 上九之震故曰拂經以六居五志在於養人者也六 周易經傳集解 所

金安日太 道此其所以凶也上九之拂經乎六五也陽過乎陰 也微上九之富五无以為養矣五之受其養也有 經中初九也陰過乎陽也以自養之心而行拂人之 不能堪故戒以居贞為吉也或曰然則六二上九其 之才而非養人之位五之下養三陰養賢以及萬民 贞吉六五有養人之位而非養人之才上九有養人 也以利物之心而行養人之道此其所以雖危而吉 為拂經則同二為征凶上為愿吉何也六二二之拂 とうけば 핡

上九由頤厲吉利涉大川象曰由頤厲吉大有慶也 非上九則不能也故子曰居貞之吉順以從上也古 上九震也以陽居柔而在一卦之上應乎六三而來 之王者尊敬師傅屈己從諫應其義矣 之也六五之君方資人以為養其可以涉險濟難乎 之以大過大過有涉川之象馬夫所為養者將以用 日不可涉大川序曰頤者養也不養則不可動故受 也六五之君太甲成王也上九之臣伊尹周公也故

**火定四車全書** 

周易经保集解

1

豫四陰由上以得養故曰由頤其義雖通而意无含 蓄且非聖人所以為訓先民有言人臣无功凡有功 五无養人之才故也舊說五陰由四以致豫故曰由 之義也豫之九四頤之上九皆以震體動乎坤艮是 **六五二爻皆坤而三又艮也故曰由颐由行也** 者皆其君之功也管仲善制割之隰朋善煎熬之賓 脊無善調和之奉而進之而成公不食誰能強之使 有順動之義也所以然者初九无養人之志而六 順 動 次定四年全書! 鱗徑尺人有櫻之則必殺人晏子曰畜君何尤畜君 者猶已溺之稷思天下之飢者猶已飢之伊尹思正 道也錐非自安之道乃大臣之義也禹思天下之滔 由我以得養不亦貪天之功以為己力乎故曰厲吉 義也韓非曰龍之為蟲可擾而騎也然其喉下有逆 夫匹婦不被其澤者若己推而納之溝中皆由頤之 為人臣而拂其君以其自任天下之養者非自安之 上九不遇尚賢之主錐有養人之德将无所施乃曰 周易經傳作解 1

金りいり **六五上九之謂乎** 由頤属古大有慶也陽為大陰陽相得謂之喜慶其 若濟大川用汝作舟楫六五之於上九是已故子曰 者好君也謂之厲吉不亦宜乎故曰利涉大川書曰 荾 兊 乾 乾 巽 零十四 兊 熙共 上 大遇

序卦曰頤者養也不養則不可動故受之以大過 斯足矣而必加之大何也陽為大陰為小四陽陷 之頤二陰為四陽所過是以謂之大過也夫謂之 **总己以徇人其大者之過乎二陽而養四除是以 允為澤異為入入子澤中過涉之象也過涉以拯** 大過成計頤之變也自頤之大過震變為異良變為 **允六爻盡變而成也異者震之配也允者良之配也** 陰之中本末皆弱宜若小者之過矣為其陽多而 於 调 溺 調

次定四東全書

周易經傳集解

五五

過 而 除少除不能勝陽而陽及勝之是以謂之大過也 自内而遇小過四陰自外而過是則皆君子之 小人之道也内剛而外柔者君子之道也大過四陽 則是惡積罪大无所不至矣尚可以充 則 无忌憚也今頤之二五柔得乎中豈可謂小人 君子之中庸也君子而時中小人及中庸也小 也哉然則小過四除二陽何也日內柔而外 顾之不為小過何也曰既謂之小人矣而又過 卦之義乎 冏门 過 馬 者 然

スピロー とから 者何哉以為食人之禄不得辭其難也故夫養雞 危而換命臨難而致身至於湯雙糜粉若无所 事也夫人情孰不受其自而不忍離其親者然而 變也危而持之顛而扶之撥亂世而及之正大過之 過少京用過乎偷者柔之過也過之為言過常以 小人之謂也故大過之象曰君子以獨立不懼逐世 无悶者剛之過也小過之象曰君子以行過子恭喪 也為其陰陽多寡之不同是以有小大之辨非君子 周易輕付集問 顄 仙

利 賢者所以拯艱危扶颠危也大畜之時曰不家食吉 為司晨也養狗者為吹盜也竭天下之力養天下之 在下故有白茅之吉颐以陽在上故有利涉之吉大 初上願之變也願以陽在下故有桑願之凶大過陰 我无言責則吾進退豈不綽綽然有餘裕哉大過之 日不養則不可動故受之以大過孟子日我无官守 過之君子至於過沙滅頂明知其凶而不敢避也故 涉大川頤之上九日由順屬吉利涉大川是以 

金月四月百十

פט

ここのまたいます 矣哉 大過棟燒利有攸往事象曰大過大者過也棟燒本末 四為允異異也允就也下異而上就是從設而喜 是之謂歟 也其於大過之義不已遠子大者陽也而異冗皆除 下異上兌成卦曰大過者初為異二為乾三亦為乾 過 剛過而中異而就行利有攸往乃事大過之時大 陰在上故有減頂之凶也解也者各指其所之其 周易輕慎集解 ナビー 倭

銀员四届全書 其於大過之象不已及乎為其有四乾之象馬夫乾 馬利有攸往亨何謂也子曰剛過而中異而說行利 之樣也大過四象五反如 正今為大過初上皆毀初上者本末之地也是以 馬楝之所以燒也下危而上壓也乾之六陽剛健 何 矣故子曰大過大者過也其剛健之謂乎大過棟橈 天下之至健也而在於異允之間斯以為大過而 謂也子曰棟燒本末弱也全卦之體有棟燒之象 愁十 故以上下本末言其義 中 2 謂

アトニコーストラー 者 之時然後為非常之事為非常之事然後有非常之 曰此所 剛 名順眩以救疾過也其實中也過涉以拯溺過也其 有 者能之非剛柔分者之所能正也唯剛過者能之 有攸往乃事當棟燒之時非柔者之所能正也唯剛 依往也夫過則不中則不過過而中者何謂 四周川 過者之所能正也唯剛過而得中者能之剛過 謂君子之時中也過者非常之名也有非 而過二柔也剛雖過柔而二五得中是以 周易經傳集解 非 机 地 也

**到近四届全書** 往則不事也是故有棟隆之吉又有棟隆之山有 實中也故夫大人君子之過非過也以世俗耳目之 事然則避世无問非邪曰利有攸往乃事不利有攸 以行之是以利有攸往也當此之時本末俱弱不有 せ ĵĨŢ 曰君子以獨立不懼遜世无悶而此言利有攸往 君子其能國乎故利有攸往乃亨也或曰大過之象 異者異也說者允也行者健也非常之事而異說 不常見而謂之過耳巽而說行者合四象而言之

- C. 17 Tel (1 + 10 - 1) 象曰澤滅木大過君子以獨立不懼逐世无問 取夫澤浸長而滅盡群木木之高大者乃能出乎 消矣何以謂之過乎况為獨立不懼逐世无悶尤 愚謂不然滅沒也澤之滅木是陰長而陽消也陽 澤者允也本者巽也舊說皆謂澤浸過木是為大 妻之利又有士夫之醜有籍茅之无咎又有滅頂之 凶有獨立而不懼者有避世而无問者君子相時 動 可也故曰大過之時大矣哉 周易經傳集解 過 既 而

澤之涸也可立而待木之青青无衰朽之容是大者 之能過也此遯世无悶之象也或曰巽允皆陰也謂 者良以此也伊川程氏曰天下非之而不顧獨立不 遠害殺身成仁二者不可得兼權其輕重而已故曰 巽為大何即曰二者皆陰巽之所以為大也夫全身 上而不為所沒是大者之能過也此獨立不懼之象 不養則不可動古之君子不可輕以其身食人之祿 也其根深固蒂而質堅良者雖沒而不仆沒而不 摇

金与四月日言

**卷十四** 

ここの日 とよう 雜 張其綱 盆其末也本強而末自正矣弱其本而強其末然 其本少益其末子治其本則棟隆矣益其未則棟 懼也舉世不見知而 矣棟之本末猶國之本末也棟梳之象國危之譬 大過之象以棟橈本末而成其在六爻以本末顛 卦曰大過颠也 為義顛仆也棟既燒矣本末弱矣今將扶而正之 紀明其政刑治其本也殖其貨財富其甲 周易經傳集解 不悔逃世无悶也 Ŧ 治 而 顛 隆

好是四四 全書 初六船用白茅无咎象曰船用白茅柔在下也 以使之然爾故曰大過顛也 六之籍用白茅上六之過沙滅頂亦其本末之勢 有楝桃之凶九五有士夫之配者盆其末也若夫初 沛之揭枝葉未有害本實先撥其斯之謂歟是故 初六巽也以除居剛而在下卦之下應乎九四而承 一有女妻之得九四有棟隆之吉者治其本也九 顛者未之有也書曰民惟邦本本固邦寧詩曰 农十 颠

大正出西上上 異之道可謂過矣然而君子在下未嘗不以柔道行 白者為其潔也取諸籍者為其恭也君子在下而過 之所以全吾之剛也是故取諸茅者為其柔也取諸 君子之德也柔異小人之道也以剛健之德而遇柔 已宗廟之器其皆以茅為籍乎故曰无咎夫剛健者 白為蕃鮮故有白茅之象乾為金為玉而居其上故 於九二二爻皆乾而四又紀也故曰籍用白茅巽為 有籍之象古者歲貢包茅以共祭祀益非獨縮酒而 周易輕停集解 主

何也曰子不云乎以死者為有知即智者不謂也 馬可誣也哉或問子曰古之葬者厚衣之以新不封 術也以往其无所失矣茅雖薄物而用以藉器則為 各之有謹之至也夫茅之為物薄而用可重也審 白茅柔在下也又曰苔錯諸地而可矣藉之用茅 以柔異恭謹潔白自將又何咎之有哉故子曰籍 不樹喪期无數後世聖人易之以棺槨益取諸大過 可重柔錐小道而用以全剛則為可贵也君子之道 斯 用 何

金ラロだといる

とくこりこれ ノートラー 過以相與也 之象初六九二陰陽相與故有生梯之象楊之木感 初六之異故曰枯楊生稱乾為老異為木故有枯 二枯楊生梯老夫得其女妻无不利象曰老夫女妻 舉之十其宅北而安厝之謹之至也厚之過也夫何 九二乾也以陽居柔而在下卦之中上无其應而乘 咎之有哉 死者為无知即仁者不謂也是故為之棺槨衣象而 周易經傳集解 ÷ · 楊

剑贞 陽氣而易生者也陽過則枯矣是故大過以枯楊 然而陰陽相與則有嗣續之望也故曰无不利夫 異異為女故有女妻之象老大而得女妻可謂過 得其女妻九二體乾乾為父故有老夫之象初六 **義焉枯而生稊書所謂顛木之有由龔也故曰老夫** 之意故也故子曰老夫女妻過以相與也 者復續何不利之有哉所以然者初六九二有相 既枯矣而更生稊夫既老矣而更得妻衰者復盛絶 陽 為

四月

住書

たこの早亡島 九三棟燒凶象曰棟撓之凶不 折 之勢不輔其下而增其上上愈重而下愈不勝矣 扩 應子上六之異故曰棣撓異為木為長為高允為毀 三上體為乾而應在上六是不輔其下而增重其 林既梳矣而陽剛應之者是將輔其弱而強之也 九三上體為乾下體為允以陽居剛而在下卦之上 榱崩可立而待也故曰凶子曰楝撓之凶不可 .故有棟燒之象乾為剛健故又有興隆之義馬夫 周易经停集解 可以有輔 也 主 栜 然

金月口及白書 少康有田一成有眾一旅卒能祀夏配天不失舊 卒以弱燕而破強齊句践以甲楯三十棲於會稽 的王愤齊之仇痛燕之弱改築郭偲之宫而師事 有輔也自古危亂之朝将亡之國指有聖人賢士貴 抬來賢士與之共國於是樂數自魏往劇辛自趙 之亂夏幾亡矣其遺臣靡收有夏之燼以滅況 賤其庭而為之謀者其本未亡而其君可輔也昇 民禮士與其下同甘苦卒以亡越而滅勁吳若此 な十 四 而 仙山 者 立

九四棟隆吉有定吝象曰棟隆之吉不橈乎下也 應予初六之巽故曰棟隆九四之象與九三无以 九四上體為允下體為氧以陽居柔而在上卦之 錐欲勿亡不可得矣 應於下而應於上是沒其隍而盆其城也配在上 而无相與之意是君臣不相和而上下之情不通 三以陽居剛而在下卦之上是自賢而傲物者也不 其棟錐燒而猶可支也其國雖危而猶可輔也今九 也

CITY TOTAL ST.

周易維傳集解

云

也然三為燒而四為隆何也三健在上而應乎上四 六故有吃各之戒也子曰棟隆之吉不橈乎下也 有舍已從人之義也故曰吉又曰有它吝它謂上六 健在下而應乎下三以陽居剛而四以陽居柔也 相 其本也以陽居剛者有自賢獨當之情以陽居柔 在上而應乎上者強其末也健在下而應乎下者 與以濟而又以它人間之不亦各乎為其連於上 九四尚舍其下而治其它斯為各矣以初六之賢 D 卷十 四 強 者 健

到分四月 台書

次皇四年全馬 華何可久也老婦士夫亦可醜也 九五枯楊生華老婦得其士夫无咎无譽象曰枯楊生 於上六之異故曰枯楊生華乾為老異為太故有枯 楝橈不曰吉凶而曰利有攸往乃亨也 九五乾也以陽居剛而在上卦之中下无其應而承 四則可輔矣九四不撓乎下而三則撓矣是以象言 文以反對為文夫子於是互發其義九三不可輔而 之象九五上六陰陽并配故有生華之象夫楊既 周易经修集解 Ĺ

金り 老婦士夫亦可醜也或曰九二乾為老夫初六異為 欲速其亡耳故曰无咎无譽夫九三棟撓已不可輔 其生育若老婦而得士夫豈有生育之望乎是濟其 生於華則發盡其氣速其顛耳故曰老婦得其士夫 枯矣而生氣未盡若生於稊則復生矣不生於稊 上六為老婦九五為士夫老夫而得女妻則可以望 **身透害无咎无譽可也故子曰枯楊生華何可久也** 九五枯楊復見生華滅亡无日矣君子見此之兆 IN STATE 长十 全 舠

則又過之是陰過乎陽故三爻皆凶也九二在初 之上陰過乎陽則是枯楊老婦之象也物之鉅 之上陽過乎陰則是枯楊老夫之象也上六在九 **六在下九二過之九四自上而應則又過之是陽過** 女妻是矣今上六亦巽也而謂之老婦九五亦乾 相形象之變通生於重互九五陽之盛也而上 除故三交皆吉也上六在上過乎九五其應九 謂之士夫何也曰大過諸交以陰陽相過為義初 五

大三日日 A 15 19

周易經傳集解

金月日五月日 老而得夫之象也陽施乎下故生稱稱生於下者也 得其妻之象也除老而陽少柔上而 陽施屮上故生華華生於上者也枯楊生稀則有 索為少男以少男而遇長女則上為老婦五為士夫 過之則不既盛矣乎自二至五四交皆乾也九二 不亦宜乎陽老而陰少剛上而柔下枯而生稅老 也九五者乾之三索也一索為長男再索為中男 為老夫矣則九三者乾之一索也九四者乾之再 周月 下 枯 而生 晄 而

久已日日 A. 有管仲隰朋以霸衛靈公至无道也有祝鮀王孫賈 而存老夫女妻之象也漢之靈獻至微弱也有董卓 者无德而有功民窮而國富者也齊威公至無道也 岡川 而上六純柔陰陽專一不和而自絕也以人事明之 顛沛之揭老婦士夫則絕生育之理也故九二不純 生之漸老夫女妻則有嗣續之望也枯楊生華則速 枯楊生稀亂而圖治危而謀安者也枯楊生華 而初六不純柔陰陽相與和而乃字也九五統剛 周易經修非解 主

金少正是自己 擊析乘田委吏无咎无譽可也若居其朝而任其責 曹操不得不滅唐之僖昭至微弱也有朱温李克用 至於危亡之形已見乃欲含之而去非其義也是以 无譽則危孰使持顛孰使扶曰不然主其棟者既橈 上六至於過涉滅頂而不敢辭也東漢之未處士橫 曰大過之世扶顛持危君子之任也当於此時无咎 不得不亡老婦士夫之象也无咎无譽此其時子或 顛之矣粮桶之勢錐欲扶而正之不亦難乎抱關 装十

アノ・コーフ・ラー こ・トラー 上六過涉滅頂凶无咎象曰過涉之凶不可咎也 乾為行巽為入行乎澤上而入乎其中過涉滅頂之 優游卒歲而已无咎无譽此其時乎 上六巽也以陰居柔而在一卦之上應乎九三而乘 議徐孺子謂郭林宗曰大木將顛非 象也在下故稱籍在上故稱頂籍用白茅謹之過也 九五二爻皆巽而三又允也故曰過涉滅頂兌為 栖 栖不遑寧處林宗亦曰天之所廢不可支也吾當 周易照牌集解 繩所維何為 <u>;</u>;

不可去也此殺身成仁之事也故曰凶无咎子曰 過 過 涉之凶不可咎也能逢比干過涉滅頂也務紹下壹 過 可少過涉以救之至於自沒其頂幸而皆存固所 )涉者何欺溺之事也與人共涉見其溺而去之其 陽相求而无相與之意故也或日子於九五既 )涉減頂也錐凶而无咎矣所以然者九五上六 不幸而淪胥以滔斯為凶矣知其凶而不去者義 涉減頂謹之過也是皆君子之過觀過斯知仁 願 錐 過

卸点

四母全書

欠三四年上十五 茅為藉故可以隆棟之輔生枯楊之梯及乎棟己撓 而楊生華不免乎減頂之凶矣夫籍用白茅者宣管 過涉減頂豈非為賢人君子言之子君子在下以白 之文以取其義為有國家者言之也若夫籍用白茅 上為華以夫婦而言則初為少而上為老皆即四陽 而言則初為本而上為末以枯楊而言則初為梯而 也所以極天下之動也夫豈一端而已哉故以棟橈 上六為強臣今又以忠臣言之何也回聖人之作易 周易輕傳集解 ż

金少日人台雪 世君子爱之深而謀之盡矣既欲其明哲以保自又 也曰夫言豈一端而已哉言各有當也聖人之於後 豈一端而已哉言各有當也或又問曰子謂四陽之 仲周處之為而過涉滅頂者豈董卓朱温之事夫言 两發其辭使學者自擇而從之耳豈必不與人共 獨立不懼過涉滅頂是也逐世无問无咎无察是也 欲其見危而致命故曰君子以獨立不懼 逝世 无悶 交為有國家者言之然而九五有无咎无察之辭

而後 微子去之箕子為之奴比干諫而死柳下惠三點而 不去三日不朝而孔子行是或一道也 7 可以无咎无譽乎是故係之五而不在上交也 周易經傳集解 =

對定四年全書 周易經傳集解卷十四

ACCRECATE VALUE OF THE PROPERTY OF

欽定四庫全書

周易經傳集解卷十五至

通政使司副使臣莫瞻景覆勘 詳校官侍郎是李 封 總校官編修臣王族緒 校對官中書臣石鴻清 騰録監生臣包文訓



舒定四月白書 為 **時命而強欲反之未有不陷焉者也夏之亡也有** 是以謂之坎也夫君子者未嘗无過物之志也天下 之坎也異為木允為澤過乎木澤而入于陷險之中 坎者陽也大遇之中交九三九四陷而為陰是以 坎之成卦大過之變也自過之坎巽允皆變而成也 行也天之所廢雖有過人之才亦未如之何矣不知 亂矣而曰我能治之國家危矣而曰我能安之轉禍 福因敗為功固君子之心也然而消息盆虚天之 卷十 <u>.</u>

久包四年全馬 習坎有爭維心事行有尚象曰習坎重險也水流而 其 功 盃 國險之時用大矣哉 也天險不可升也地險山川丘陵也王公設險以 行險而不失其信維心事乃以剛中也行有尚往 也 大過上六有過涉滅頂之凶過而受之以坎斯其義 事為其事而必有其功 龍逢商之亡也有王子比干如使有其志而必成其 周易經傳集解 則自古无亂亡之國矣是 有 不

金少口 習坎有多何謂也曰習者再也書曰卜不習古又曰 坎成卦初為坎二為震三為艮四又為坎震動 具焉而不雜乎陽是其所以不失為異離允坎也 不失為震坎艮者也異離坤三陰也四象八卦三陰 乾之所以不失為乾坤之所以不失為坤也震坎 下坎上坎成卦曰坎者乾坤之四象八卦皆乾坤 三陽也四象八卦三陽具焉而不雜乎陰是其所 也或動或止而不出乎險陷之中是以謂之坎 Ţ 6 艮 也 也

水日再至焉是以謂之習坎也故曰有孚朝至為潮 上下皆虚水行其問流而不盈大川之象也大川 允止水也坎流水也下實上缺水盈下流澤之象 或曰敢問其義曰允坎皆水也允為澤坎為川何 也地之險陷水之流行初无重叠之義以去聲讀之 聲取重叠之義愚謂不然坎者險陷之名也其象水 言其義耳故子曰習坎重險也學易者皆讀重為平 習吉皆再重之義也至於温習亦皆本諸再重以 2 也 也

欠正の野生生

問易輕傳集解

金少口人 首不係之以習何以明大川之象乎維心事何謂 曰坎之二五是也一陽陷於二陰之中其體為震猶 失其信是之謂有孚也說者皆疑八卦唯坎加習 信未有過於此者也故子曰水流而不盈行險而 其心事故无往而不通矣故子曰維心事乃以剛 夕至為汐風雨不失其時晦蝕不差其度天下之至 人之善溺身首俱陷而心獨亨也故說卦坎為通 君子遭難而不失其剛中何險之不濟何因而 字 也 惟 不

1:1:1

ていしつら 險為卦疑若君子无所 歟 行有尚往有功也行則有功止則无功其大川之 之 也序曰陷必有所麗故受之以離 **亨乎行有尚何** 配也坎為水離為舟舟楫之利以濟不通然後 夫簡易者君子之道也險阻者小人之行也今 可升也地險山川丘陵也王公設險以守其 功見矣不得其配徒險而已 ことう 謂也曰尚之言配也自坎而 周易輕傳集解 取焉故夫子發明之曰天 何 功之有哉故子 離者羅也離者 ŋ 往 國 則 レソ 坎 險 礆 謂 坎 日

舒与四届分言 象曰水济至習坎君子以常德行習教事 階而升也此王公設險之辨也 大也王之設險象乎天公之設險象乎地子貢曰它 矣險之時用如此雖君子不可无馬夫子是以稱 **衆底可得而踰四鄰諸侯可得而侮將无以守其** 可平而越王公不險則无貴賤之差內外之限臣民 一時用大矣哉天若不險則可階而升地若不險 丘陵也猶可踰也夫子之不可及也猶天之不可 其 則 國

· / · / D · D / / · / · / 其習坎之謂乎子在川上曰逝者如斯夫不舍晝夜 常教事之時習能如水之所至不失其時則天下无 君子體之以常德行習教事雞鳴而起孽孽為善終 不可為之事矣舜何人也予何人也有為者亦若是 畫以訪問夕以修令夜以安身皆是物也德行之有 教以詩書春蒐夏苗秋猶冬狩習教事也朝以聽 日乾乾夕猶惕若者常德行也春夏教以禮樂秋冬 下坎上坎水存至也水之存至非潮汐之謂乎是故 周易經傳集解 政

到牙四月百十 水善利萬物而不爭處眾人之所惡故幾於道此老 取爾此孟子之所見也其異於溝澮者幾希故孔氏 不舍晝夜盈科而後進放乎四海有本者如是是之 稱於水口水哉水哉何取於水也孟子曰原泉混混 益將有取於此也乃若孟子則不然徐子曰仲尼亟 智亦各隨其分量而得之耳子貢曰君子惡居下流 子之所見也信乎仁者見之謂之仁智者見之謂之 之言水者自孟子而失之矣至於老子則又不然 日

馬取斯 天下之惡皆歸焉而老子以為幾於道後之君子將

雜卦曰離上而坎下也

无 凡卦皆以六爻爱惡為吉凶惟八卦之卦上下同體 文相應故不可以雜取其義惟其位有上下 時

有先後所居之不齊所遇之不一 離性炎上其在上卦則炎上之太過者也坎性下流 則可得而言之矣

欠足四車全書 ~ 其在下卦則下流之已甚者也下流已甚故坎下

周品經傳集解

金りロ人 肵 是也及其退也見川面不見水六四上六是也乃若 其畫陽 不若九五之功離之六五不若六二之吉離上坎 惟其二五不失乎中是 爻不正而多凶炎上太 過故離上三爻不正而多懼 其肯數今夫坎之所以為水者一陽陷於二陰 故坎之六文其位柔其畫陰則取譬於川其位 也陽為動為實水之象也陰為靜為虚川之象 則取譬於水水之至也見水而不見川九 以為无咎而已矣坎之九 刚

欠 己りをいます。 初六習坎入于坎容凶象曰習坎入坎失道凶也 **若同功然上在一卦之終見川而不見水豈非絶** 不足以虚其水壅而不流也故卦為六四六五无 水常相半也水之不足以實其川失其故道也川之 之象乎是以失道之凶不同於初六也 三不得中行皆入於坎宮而不能出也上六六四 九二以其未出于中猶可以小得而己至於初六六 下卦三爻初三以陰居剛而九二以陰居柔是川與 周易經傳集解 Ł 鮏 咎

初六坎也以陰居剛而在一卦之下故曰習坎入于 而 于坎容之象也陽為動陰為止當坎之初動之時 象焉窗小坎水之旁入也下卦之下而又遇坎焉入 坎窞三畫坎也六畫亦坎也四象八卦皆坎也以坎 居坎習坎之象也是故初與三四與上皆有重坎之 遲疾不失其常度是以贵乎習坎也若失其道而入 于坎容止而不行是為棄水矣水流而不盈行險 不失其信故錐縱横萬折極其濟物之功而進 退

我历四屋至書

五

九二坎有險求小得象曰求小得未出中也 或曰川之猶為澤也曷謂其棄之哉曰所貴乎川者 之歸是以為失道之凶也 為陽兄為陰陽為君子陰為小人君子之棄而小 涉之功无日新之德矣謂之棄水不亦宜乎是故 為其不舍畫夜流行而不息也若壅而為澤 君子惡居下流也故 于坎宮之中則容而不能自出矣欲无凶得乎是以 日凶子曰習坎入坎失道凶也 则 无 坎 利

次定四車全書

周易經傳作解

也不厚則其負大舟也无力覆杯水於均堂之上則 濺之流也然而未出乎中故曰求小得傳曰水之積 動也坎陷也動乎險陷之中而不當其位坎有險 不通如九五也子曰求小得未出中也若居下流 芥為之舟置杯馬則膠水淺而舟大也然則九二之 **象也夫大川之水无險不平今居下而有險馬則** 水不足以行大舟近者求濟小有得而 )寰也以陽居柔而在下卦之中故曰坎有險震 已不能无所 溅 之 而

終无功也 六三來之坎坎險且桃入于坎容勿用象曰來之坎坎 六三上體為艮下體為坎以陰居剛而在下卦之 又出乎中則入于坎容矣何小得之云乎 日來之坎坎來下坎也之上亦坎也故曰險且 桃

按陸氏著義枕古本作沈直林反傳寫誤耳沈深

とこりを とう

也艮止也以六居三不當其位陷而止无出除之

周易經停日解

坎上良坎為水艮為山水在山下險且深也坎

陷

中 失其故道而已矣故曰勿用初居下流其勢不能 之者六三是已要之不得乎中不當其位止 故曰入于坎宫或曰初六在卦之最下故有坎陷 及是以遂成於凶三在上下之交進退之地其 未必皆下流也下流而失之者初六是已中 象六三在下卦之上而亦為坎陷何哉曰百川旁 功也夫濟人於險難之中 偏惟其所趨故戒以勿用 而指之於平夷之地坎 而已子曰來之坎坎 而 流 不 沥 那 行 自

剑厅

U

居白雪

ラノこ こり いっこ 剛柔際也 故 前也禮曰飯於牖下是也約劑也周官司約掌邦 四樽 之所以為功也來往皆險又何功之有哉 及萬民之約劑治人之約為上凡大約劑書於宗 陰坎之數也岳瓦器也詩曰坎其擊岳是也牖 口樽酒簋貳用缶納約自牖酒陽也食除也 四上體為坎下體為艮以陰居柔而在上卦之 酒簋貳用缶納約白牖終无谷象曰樽酒簋貳 くことう 周易經傳集解 室 國 陽

家之典祀皆有約劑其不能修祝嘏者約約劑 **缶聲之所從出牖約之所自入皆坎之象也禮** 社群望及所祖宗也然則古者王侯至於萬民其 形中實而上下皆虚也古之制器尚象益如此 謂之坎琴謂之離者形中虚而外實也雲謂 组奇而籩豆偶陰陽之義也爾雅大琴謂之 酒在室體酸在户菜殿在堂澄酒在下則 的劑書於丹圖鄭氏曰劑謂恭書神的謂命祀 酒醴 離 2 故 坎 11. 而 曰 郊 川 罂 鼎 玄 者 國

多分

四周至青

Ŧ

こくこりうしょう 與時俱指也此言樽酒簋貳用缶納約自牖終无 侑六祝六祈 致則品物之薦非二而已也若夫六律八音所以安 不 其樂用缶其告用約納之自牖可謂簡且陋矣然 之備至孔子且有所 不失信也損之象曰曷之用二簋可用專凶荒扎 君子以是而為禮鬼神以是而來散者貴其有常 一而足也三牲之俎八簋之實水草之菹陸産之 所以昭告五几六席所以辨位其禮 周易經傳集解 不知今也一樽之酒二簋之 食 蝆 沥 瘥 iin

天子至於庶人飲食不敢忘其先故公侯大夫之家 能循法度也能循法度則可以承先祖共祭祀矣自 夫人可以共祭祀則不失職矣采蘋之序曰大夫妻 也以愚觀之於義未該采蘩之序曰夫人不失職也 教既成告於祖廟牡用魚笔之以蘋藻所以成婦 于以奠之宗室牖下誰其尸之有齊季女說者曰女 者朝夕之奠不失其常也詩云于以采蘋于以采蒸 朝夕必祭采蘇采蘋朝夕之祭也祭必有尸无尸曰 : ! 順

都与四月石書

卷十五

信也若夫女教既成牲用魚笔之以蘋藻亦習為婦 進退之地其體坎艮陷而止與六三均耳三為來 采蘋之義乎然而係之坎六四何 道而已矣然則樽酒簋貳用缶納約自牖其亦采於 器潢汙行潦之水可以薦於鬼神羞於王公者的 潔也被之僮僮夙夜在公以明其不失常也故曰笱 有明信澗溪沿沚之毛蘋蘩蕰藻之菜筐筥錡釜之 質故其詩云真於牖下而使季女尸之以明其專且 也四居上下之 忠

人已日后上日

周易輕博作解

金与正是白書 涉之功及其退也言其不失信而已人之平居所 止者行險而不失其信也夫水之至也可以言其 陷 為水陰為川下卦之上以陰居剛者水至而川見 陰居剛四以陰居柔故也夫坎之成卦取諸水也 牖皆坎象也三在下卦之上而四在上卦之下三以 坎坎險且沈入于坎窗四為樽酒簋二用缶納 上卦之下以除居柔者水退而川見也水至而川 而止者失其道而入于坎陷也水退而川見陷 卷十五 約 見 也 自 而

ここの 日本 とよう 嘗之事致爱則存致態則著然未若一飯必祭之為 方六四以陰居柔而文具斯象者豈非上接九 也子曰樽酒簋貳剛柔際也一奇而二耦樽圓而 物雖薄而誠已至神之所饗不在兹乎是以終无咎 道於是為有字矣故曰終无咎夫禮錐簡而信 致其誠信者未有於君父神明之為至郊祀之禮稀 不忘也故以梅酒簋二用缶納約自牖明之君子之 相際以是而言之子或問二四有坎兼艮之體 周易經修住解 五 已多 簋 岡川

非 **象是故六交皆取諸坎也若夫二五為行三四為** 失為坎也雖六畫既成有震有艮而不足以易其 卦之比也方其未重也既以為坎矣及其重之又 不 既平震動也坎陷也以陽剛之才動乎險陷之中 五坎不盈祗既平无咎象曰坎不盈中未大也 交之象曷為不取諸民歟曰此八純之卦非五十 五震也以陽居剛而在上卦之中故曰坎不盈 其所取於震艮者軟 本 祧

**到厅四月至書** 

老十五

有小有大九二為小九五為平是以言未大也大 咎也說者乃以其未大而少之則失之矣潮汐之至 坎不盈中未大也言其得中而未至於大是以為无 窗矣水失其道舟欲安行不可得也故曰无咎子 曰 盈盈斯溢矣夫所以陷者為其過也故曰物不可 此象所謂行有尚者也過乎平則溢而失道入于坎 也水之流行適至於平而已舟楫之利於是斗賴 流 而不盈也祇適也以九五居中而不過適至於平 斯 Z

火足四事全售 又

周易經傳集解

-} (P)

金豆口 凶三歲也 上六係用截經真于叢棘三歲不得凶象曰上六失道 六四之有其信九五之有其功可謂吉矣不曰吉而 矣 曰无咎者坎險難之象也利涉而无咎者吉可知 之孟子所謂不盈料不行者益亦未嘗觀其瀾也 不求其大也故曰中庸之為德也其至矣乎由是言 終過故受之以坎然則君子之取於坎者求其平而 人ノニー <u>5</u>

EDIE LIANS 然則係用微經真于叢棘其敗舟之桑子故曰三歲 見 真于叢棘微經索也叢棘刺也上坎之中時之極 歲之久而不得其道凶可知矣九家易坎為叢棘為 上六坎也以陰居柔而在上卦之上故曰係用嶽猩 不得凶自四至上三爻故有三歲之象水之存至 失其時則舟之往來不改其常川竭而廢舟至於 桎 川而不見水若將終焉者是失其道而絕其流 格故又有刑狱之象叢棘如今之棘圍所以限 周易經件集群 Ŧ 也 不 囚

將 而 於行險者也係用微經真于叢棘不亦宜乎故子 刺 於棘木之下非其義矣棘以木言者豪也以叢言 之出入也說者謂王之外朝左右九棘大司寇聽 |六失道凶三歲也周官用圈凡害人者寡之園 非 也今言叢棘是叢生之棘非九棘之謂也係而真 以出險而已今在一卦之上而以險終之是甘 明 朝位之稱也險之時用君子固有不得己馬益 刑馬其能改者上罪三年而舍其不能改 卷十 者 而 刑

金月四月全書

た己の巨とい 序卦曰陷必有所羅故受之以離離者羅也 離之成卦坎之變也自坎之離六畫盡變而成也坎 園上者乎是以係之凶也 出圍上者殺易之所謂三歲不得者其不能改而出 鵝 荾 離 Ų, 非 兊 群 周易經傳集解 離 離上 艞 下 離

金月 故 是 是 者 晦 其 故 謂 陷也離者麗也一陽在二陰之中其勢不得 離 以謂之坎也一陰在二陽之中其勢不得不麗是 明矣是故 UF 坎 2 晦 晦水之象也坎之所以為水也自下而炎 自下而炎上者也陽為明陰為晦陽 矣是故 離 自 也陽 上而下流者也陰麗於陽則下者上矣是 離 坎内明 為 内晦而外明者也 上陰為 表十 而 L 外 下陽陷于陰 晦者 自上而下流内 も 陰麗於陽 则上者一 陷 於陰 下 不 則 矣 则 陷 明 其

ピス

41

離 STORES STATE 利貞事畜北斗吉象曰離羅也日月麗子天百穀草 能禦之受之以離斯其義也 則為君子豈可常也哉故曰陷必有所羅故受之以 其所以自處如何耳陷其高明則為小人抗其果 所麗反昏以為明去狂而入聖舍桀跖而為堯顏 離言物无終陷之理陷而思出則必麗乎陽矣得 晦 此 其相遠也然而坎實陽也離實陰也君子小人 而外明火之象也離之所以為火也水火之情 周易經傳集解 ナセ 其 碩 晦

金兵四月全章 **郭是以畜牝牛吉也** 木麗乎土重明以麗乎正乃化成天下柔麗子中正故 能自事麗於正而後事也觀其所離而麗之吉山 謂之離也離利貞事何謂也曰離歷也貞正也離 為離異伏也允見也或伏或見而皆有所麗焉是 然者離本乾也除麗其中而成離坎本坤也陽陷其 見矣正也者二五之謂也二五為中中則正矣 離上離成卦曰離者初為離二為異三為光四 卷十五 竏 非 又 可

飲定四庫全書 精也陰陽之精不能以自明也麗乎天而後明何 乎正乃化成天下柔麗乎中正故亨日月者陰陽之 者土積陰之氣百穀草木之所待而形者也重明 之質也陰陽之質不能以自形也麗乎土而後形何 天積陽之氣日月之所待而明也百穀草木者陰陽 見之義曰日月麗乎天百穀草木麗乎土重明以麗 中而成坎是故離之二五地二之火升乎天也坎之 一五天一之水行乎地也夫子於是推明麗物而著 周易经傅集解 者

億兆之上力能光被四表如日月之照臨不麗乎正 稱文王武王宣重光真麗是也夫以渺然之身 而 祇若萬邦咸休此則重明麗正以化成天下之義也 以明繼明帝王之象也書稱帝舜曰重華協於帝 厥群出入起居固有不飲發號施令固有不臧下 之臣咸懷也良其侍御僕從問匪正人以旦夕承 何以能化成天下哉故曰昔在文武聰明齊聖小大 天地之道貞觀者也日月之道貞明者也天下之動 居

欽定四庫全書 畜牝牛吉何謂也曰牛順物也牝牛又其順者六二 牛而已大小畜畜陽而離畜陰何也曰小畜之所 以 也日月中天而後萬物不能逃其照其麗正之謂乎 貞夫一者也一者何也中正之謂也柔之為道伏則 牛之角者豕之牙者離之所畜者陰也故其象為牝 為畜者也大畜之所畜者陽也故其象為馬之逐者 為巽見則為允惟其麗乎中正是以能一天下之動 是也二五皆有巽之象焉巽也者小畜大畜之所 周易經傳集解 ナカ レソ

體而合志也今錐有二陰各主一卦而不相應其 能畜者五陽而一 則二之象變矣自五至三異離允則六二以陰居柔 之畜者也曰此則久象之變化也二巽也五既為 於乾中離兒不可審則異亦不可審矣然而六二為 是二陽皆不受其畜也二陽離紀也猶不可畜而 而畜四則有焚如之難以五而畜三則興大養之嗟 畜也難矣非六二之至順何以能畜之哉是故以 一陰也大畜之所以能畜者二陽 同 况

欠足四華全書 牛斯其義飲夫推天下之至順如伊尹周公而為 者異離允皆坤之女也其母歸之其子焉往取諸 也六二既為所畜矣二四雖欲違之而不可得也 乎正乃化成天下柔麗乎中正故亨是以畜化牛吉 五贵而二賤五在天而二在地也故子曰重明以 以謂之牝牛也夫自三至四自五至三巽離兌均也 而獨立六二為坤者豈非以位言之乎五剛而二柔 周易經修集解 麗

其坤之象乎坤也者天下之至順也坤為母為牛是

金りひろと言い 象曰明兩作離大人以繼明 照于四方 以陰麗陽為義初九畜德養賢之衆聖人因六五有 而 係之以畜牝牛吉信于引而伸之觸類而長之无往 繼明之義而六二有至順之資擬議以成其變化 夫八純之卦本不以六爻相錯成文而離之成卦 不通矣 之所歸商周之王重明麗正得而畜之是為吉矣 ,離明兩作也天无二日何謂明兩其兩曜

尺三日日 八十三 諸 F 光湛然者水也然其所以為明則皆取諸離也是 精也故夫日之所以其光赫然者火也月之所以其 形魔於物而後著見者也故有以陽燧而得之者 者水之精也日之所以為離者火之精也夫火无定 象乎或日月坎也而謂之離何也曰月之所以為 坎 险燧 與日會而後世明與日相望而後大明宣非 離即故曰大人以繼 而得之者夫陽燧則火之精而陰燧則水之 周易經傳集解 明照于四方繼明之象在 7 其 取 有

金与巴屋白雪 雜 陽之間也下卦為畫上卦為夜六交之義皆取諸 出也六魔於二下卦之中日之正也九魔於三下卦 觀其所羅而吉凶可見矣九麗於初下卦之始日 上下之義已見前卦離之所以為明者一陰魔乎二 卦曰離上而坎下也 義非君臣之謂也舜之重華武之重光斯其義矣 為日月在人為君臣而比象之辭蠢以帝王繼世為 之終日之是也九麗於四上卦之始月之出也六麗

欠定四車全書 日而上卦不言月也初上二爻不見始終之義何也 **義不既看矣離南方之卦有文明之象故為禮有威** 君象也月臣象也以臣而言君道不可也故下卦言 **县四為焚如則繼明之紋粲然矣初上又言終始之** 曰易之為書觸類而長不以辭費二為黄離三為日 日月重明為象以大人繼明為義然析而言之則日 於五上卦之中月之正也九麗於上上卦之終月之 入也夫大人者與日月合其明者也故上下二卦以 周易经体集解 主

初 釒 九履錯然敬之无咎象曰履錯之敬以辟咎 而又言獲獲也者兵之末也亦終始之義也推六 也初既言履而又言散散也者禮之本也上既言 係之於初兵者上人者也治之末也是以繫之於 武之象故為兵是以初九著禮文之義上九言征伐 ジロス イニュ 之事所以互見之也禮者下人者也治之本也是以 文既不可取象於月故直以主少國危明其義 九離也以陽居剛而在下卦之下故曰履錯然散 th 征 五 耳

錯 祭與其故不足而禮有餘不若禮不足而敬有餘 初 之象也夫禮者下人者也敬也者禮之本也敬者質 六畫亦離也四象八卦皆離也以離居離禮文錯 可以免於各矣故子曰履錯之散以群 也 禮者文也陽為質陰為文以 則不成文繁則亂當禮文錯雜之時惟故為本 履者禮也離為文明禮之象也錯雜也三畫離 而在卦之最下為禮而能敬者也故曰无咎禮不 陽 剛之德居文明 各也孔 子 斯 也 之 曰

欠三日日 公出

周易經修集解

1

金月日月月日 六二黄離元吉象曰黄離元吉得中道也 六二異也以陰居柔而在下卦之中故曰黄離黃中 也 從人以天下為明者也故曰元吉如日中天无所不 險為虚下為謙中為正體乎謙虚而麗乎中正舍己 出也其色赤及其中天也其色黄是以謂之黄離 其辟谷之謂乎 喪與其哀不足而禮有餘不若禮不足而哀有餘也 離明也異入也入少離明之中黃離之象也日之 也

ラン・ココラ ノニトラ 祈 矣坤之六五曰黄裳元吉雖在天位而臣道也配 故六二有牝年之象也謂五為君謂二為臣則失之 正乃化成天下六五之謂也後明既升則前明已没 謂也及其重為上卦則是繼明也故曰重明以麗乎 人臣之道也而以為火明之象何哉曰此八純之 照非元吉何以當之或曰六二以除居柔而位乎 不以相應為義者也子曰柔麗乎中正故事六二之 稱裳也離之六二日黃離元吉雖在地位而君 围易煙字集件 南 卦 道 乾 地

九三日吳之離不鼓缶而歌則大耋之嗟凶象曰日 離何可久也 夕下卦為畫上卦為夜九三下卦之終日昃之象 也麗正而稱離矣故子曰黃離元吉得中道也雖有 日具之明其為明也不久矣故曰不鼓缶而歌則 故曰日是之離離明也日過中則是矣離為日兌為 **堯舜之聰明而不得乎中道其能光宅天下也哉** 九三上體為冤下體為離以陽居剛而在下卦之 县 ريك

金片四月白書

卷十五

とこりられたり 子曰張而不弛文武弗能也弛而不張文武弗為也 之器中國通用之故坎言樽酒簋貳用缶此言鼓缶 詩曰坎其擊缶宛邱之道則鼓缶不特秦聲也簡 歌鳥鳥風俗通曰缶所以盛酒漿秦人鼓之以節 耋之嗟凶缶瓦器也鼓之所以節歌按莊周鼓盆而 歌藺相如進盆弁請泰王擊缶漢楊惲仰天擊缶 歌皆坎象也離者坎之變也故有不鼓缶之象馬 一她文武之道也故君子於向晦宴息之時 周易經傳集解 Ē 而 恆

到与四月白書 則 乎故曰凶詩云子有酒食何不日鼓瑟且以喜樂 自得矣不能樂天知命而有老大之嗟終能免於死 象夫有盛必有衰有此必有老有始必有終有生必 歲之老也耄耋者百年之老也樂天知命安時處順 有死物之常也故夫日是者一日之老也秋冬者 曰耋兄為日是故有大耋之象又為口故有歌嗟之 以娛樂鼓缶而嘯歌可也耋老也八十曰耄九 日是而嘯歌歲終而飲蜡耋老而優游无日 而 不

於歌樂乎口此為耄荒者之戒也人之聰明固有 而 於是衰微此則歌嗟之辨也故子曰日是之離何 量老雖智而養及之矣強昏以為明若倦以為勤 以永日宛其死矣他人入室其斯之謂也或曰鼓 百姓如喪考此榜王老荒方且作刑以經四方周 之事也是以竟之耄期則求賢而遜之位及其殂落 日二日萬幾其失也多矣釋其重任優游卒歲上 歌與大達之嗟懼不逃乎晝夜之數則聖人何 周易經傳集解 智 道

とこり与 At 10 10

すべ

所容也 金月四月百十 九四突如其來如焚如死如棄如象曰突如其來如无 将升而未明也而其體為離離為火日之既入月之 故曰突如其來如六四繼明之初而不當其位不 之子也其體為兄兄居酉位晝夜之交昏瞋之際 九四上體為離下體為兌以陽居柔而在上卦之 久也盤之上九貴乎髙尚其事離之九三貴乎鼓缶 而歌消息盈虚與時偕行之義也 順 月

たE町日上山町 是其人矣故曰焚如死如棄如書曰若火之燎于 悖逆之節譬若燎原之火突如其來如也州吁商 來如无所容也突一作突 不可嚮通其猶可撲滅焚如者不可嚮通也死如棄 如者猶可撲滅也古者凶人之喪不后兆域死而棄 謂子不順為突九三耋而不傳九四不待其萌而傳 方升而有赫然之明突然而來者燎原之火也古者 之投界豺虎天地人神之所不容也故子曰突如其 周易經修集解 <del>;</del> 原 臣

金月日屋 台首 六五出涕沦若戚嗟若吉象曰六五之吉 離王公也 貞夫一者也君父之所命國人之所立斯為正矣然 戚嗟若六五繼明而麗正者也何謂正曰天下之 **六五巽也以陰居剛而在上卦之中故曰出涕沱** 至於涕泣而憂嗟巽為多白眼故有出涕戚嗟之象 而以柔居等而有九四之逼凶焰熾烈不可嚮通故 夫繼統守成之君生於深宮之中長於婦人之手未 **嘗知哀未嘗知憂未嘗知懼自非上聖鮮不以逸豫** 動

12.10 total 上九王用出征有嘉折首獲匪其醜无咎象曰王用出 於上九其亦信順尚賢之義乎是以係之吉也子曰 定而不敢争者逆順之形判矣故既嗣位天下皆曰 天下為王在一國為公也位也者聖人之大寶也位 六五之吉離王公也離麗也王公者以位言之也 而憂嗟乃所以為之做戒也故曰吉六五體巽而承 騎奢而失之者方其嗣位之初遭家多難至於出涕 吾君之子也雖有扈之強烏能陵之哉 周易经傳集解

金与口石百章 征以正邦也 義矣故曰有嘉折首獲匪其配嘉美也謂有功也 **曹為戈兵故有出征之象詩云王于出征以匡王** 六五王也而九居其上王之所用以出征也離為 於上九得稱嘉也首元惡也強厥渠點脅從因治折 言膚功美績是也或曰嘉配也六交无應故六五之 王于出征以佐天子是也管蔡之難周公東征應其 上九離也以陽居柔而在一卦之上故曰王用出征 卷十五 國 猶

ていこうこう しいよう 首之謂也醜類也自西自東自南自北無思不服獲 故曰四征弗庭総殿兆民六服奉辟罔不承德又何 道于九夷八蠻成王既伐東夷肅慎來賀斯其義矣 **象詩云執訊獲配而此言獲匪其配者武王克商通** 匪其醜之謂也九四體死死為毀折故有折首之象 各之有哉故子曰王用出征以正邦也征之為言正 下卦三爻雖非其應而皆為所畜故有獲匪其醜之 征一而正百斯之謂正邦也不曰吉而曰无咎 3 周易經傳集解 拿儿

多分四人名言 周易經傳集解 干戈之事无谷為難矣王肅本下有二句獲匪其醜 大有功也今本脱之 卷十五